

箕

谷

詩

鈔

質谷詩鈔卷十五

海昌查揆梅史著

同孫仿山學博

得偉

方靜峯

仁

韓奕山

炎

至香花墩謁

包孝肅祠

城南一水隈空濛白如鏡短笏通孤祠廢榭絕危磴兒時熟  
公貌輒從老嫗聽崢嶸傀儡場氣尙壓豪橫習見夢寐同轉  
疑畫像靚粲然黃河清禕而喬岳正乃知齊東語徒爲婦孺  
證當時兩龍圖治行果孰勝西門沈妖巫恢也亦清勁爲治  
託神奇好名轉爲病此豈公所安固知論未定

蒼鷹下廖廓百鳥當遭屠秋原灑毛血草木不敢蘇豈無孔  
雀鸞擣舌知其誣鳳皇况仁慈要結非所俞或疑公誤之謂

公閭羅如刀山劍樹林萬鬼雄牙鬚亦有牛馬走側媚爲墮  
趨顛倒弄陰律冀得遂所須大吏握綱紀寸轄制廣輿擊斷  
豈盡非用意仍有餘吁嗟五鼎烹未必阿大夫

上已登廬州城樓

城闕紆廻赴壑蛇只容安步不容車江淮搖曳天邊練吳魏  
蒼茫劫後沙菜莢干畦黃化蜨鷺鶯一樹白裝花年來不用  
閒修祓身似神羊易觸邪

清明日同方靜峯柳村

陶

兄弟孫仿山邱海琴

夢鯉

游

大蜀山三首簡海樹

趁曉籃輿出尋幽愜所聞黃花邀收笛紫草鬪春裙沙霧湖  
光掩松杉寺影分客懷偏易觸翦紙各紛紛

苑牆紅入畫山路曲如弓茶熟調符水衫飄解籜風人稀鴉  
浩浩僧好佛空空多少籠紗句飛塵涓爪鴻

飯罷披雲上羶攜坐具偕圓吭諸韻合涼綠一行排峯獨猶

連楚淝流不入淮百年溝洫在舊迹未應乖淮南水利不修海樹有意於此

錢恕堂有序太守寄示穀雨日小雨同人遊迎江寺詩

### 索和次韻

寺門楊柳有春煙便蹋城南尺五天二客能從游屐後九華  
爭赴曲闌前破空塙合搖江動上水帆多著雨偏慙媿醴陵  
才已盡飛書猶許鬪新篇

海樹招同白敬庵守廉孫仿山邱海琴韓奕山重游蜀

山午後雨敬庵先歸海樹日映甫至遂宿庵中曉起登

峯頂望巢湖而還

獨山不雙客不獨客有健者剛五六飛塵卅里過城去鹿女  
獅王見已熟寺門繫馬誰家郎中有花竹遮閒房忽然驚起  
雙嬌鳥姪紫嫣紅合憐惱主人不來客漸稀社公作雨霑人  
衣筍輿日暮渡秧水健步拍拍鷗鳬飛林深夢窈松生腹夜  
來冷抱南箕宿清鐘未落檐外蟾游策已驚簾底蝠搏桑花  
紅天雞啼巢湖挂在山峯西修篁凌亂曳遠影倒入萬頃青  
玻璃歸路明燈出雲頂仰見長庚尙孤迥山城杳杳生白煙  
十萬人家睡未醒

留別海樹

強之使爲瘖結轡不可說譬如土囊口噫氣思一決門外冠

蓋稀車塵久已絕念我同心人千里胡能越江淮阻且深無  
由諭離別夜夢兩皂雕車輪張六翮卜言有遠行所見定英  
桀老馬亦聞之躩躩四蹄熱

相逢派河西飛蓋出送客下車一揖語春風滿行陌歛焉隻  
騎回先路導游烏官齋翳花竹庭離爭嘯喑酒人三五輩退  
飛若宋鶴此日信可樂去日良可惜阿萱抱書來呼我視叔  
伯雲中大鵬翅何日一手擘

鳴琴上高堂戴勝爲色喜學道能愛人孰與相磨砥鸞羽萃  
庭隅鴟梟自東徙古者拜母交其禮視諸子慈年開八秩神  
明殊未已如升昆侖邱酖顏見桃李文章無時名媵爵媿無  
似三年疥塵壁粲然挂玉齒知君愛其真庶幾有終始

小時受內則百讀不十行動輒遭榷楚歸牽孃衣裳天下口  
相似何不芼使嘗至今見諸母啁笑爲樂方豈唯異今古南  
北殊所將北廚善烹燂南廚工羹湯亦如美言語各自諧其  
方縣君敬勞客磨刀向豬羊飢鳥在檐際欲下不敢翔煙煨  
出調燮百味爲之芳湘蘭與沅芷幸升君子堂遂使老饕餐  
一改藜藿腸未聞荀陳聚主婦鳴椒薑

仙人浴玉蛹飼以若木枝吐絲白於雲云將貽所思明河波  
浪闊不滌塵土緇忽然爲元黃素質安可知相逢異顏色慰  
藉徒爾爲回思纏綿日共在東海時其旁老扶桑百鳥爭棲  
遲忽聞渤海枯奮翼將填之冤禽啼日夕青鳥悲其癡  
見道不在大語近無足患要知一芥子卽是須彌山甚欲與

君語飲酒不得聞  
詰朝將遠行送我城南灣  
丈夫各努力不在涕淚潛  
視君五年長蒼髯宿已斑  
靜女爲絲麻不如蒯與菅  
狗人徒自苦天道誰知還

論詩絕句十二首寄琴鳴

日下江湖未有涯  
元輕白俗轉爭誇  
拈來楊柳依依句詩話權輿謝傅家

夫人原不襲齊紉也要銖衣熨體安  
儻使嬌施俱裸立路旁可愛一錢看

漫道空靈是性情  
古人書亦性情生  
縱橫筆陣圖中見韓信能將十萬兵

落魄狂歌儘自如  
大家風度在居諸  
歌姬院落韓熙載終異



墦閒乞祭餘

杜陵何減九方歎深穩能傳上廐神一樣騰騫兩天馬校他  
優劣不飛塵

傳衣幾輩口頭甜北祖南宗亦可嫌直待丹霞燒木佛知渠  
不是妙莊嚴

雅俗寧從筆墨爭江湖臺閣各崢嶸相公自愛閒籬落誰作  
雞鳴犬吠聲

力有千鈞句轉輕墨痕化盡妙心生游絲裊入秋空裏只許  
呵毫一筆成

異出同歸總入河路歧師友談尤多廣明結集聲聞藏迦葉  
猶訶突吉羅

聒他老嫗太無端滿耳盲弦託稗官彈得廣陵真絕調不愁  
聽少古衣冠

橫使才情誤後賢古詩不古強名篇太羹元酒無多味枉費  
何曾十萬錢

欲空理障託詆諧惡趣偏言有好懷我是侏儒未聞道漢廷  
無分學優俳

蹉跎

城西猶避地歸計尙蹉跎官劣嫌才少身閒覺病多僕真知  
路馬僧有換書鶯依舊洹河水將如皺面何

西竺庵銷夏雜詩十二首

野鶯黃欲上垣衣松下新陰接翠微日午坐忘修止觀鐘聲

一杵嬾雲飛

梵天初換葛衣輕  
蘿館涼猶隔夜生  
百鳥儘喧高枕聽  
比來反舌已無聲

大漏天低已入梅  
支牀龜亦長莓苔  
我來飽飯尋齋睡  
添得江城一夜雷

天奪柴窑雨過青  
下弦遲月上疏櫺  
流螢一箇林稍墮  
認是風翻葉底星

年年飛夢越江湖  
素鞞飄零作計麇  
欲撫祥琴絃已絕  
松風聽似海濤無

晚涼檐鐸與風爭  
觸迂郎當却後情  
多少疏星耿河漢  
可曾替得月分明

兩松一柏瘦如僵羣木因風舞欲狂我獨愛渠能骨立支離  
憔悴祇尋常

屋後林巒近北邙雞飛只隔及肩墻女蘿山鬼人閒世不是  
高明瞰不妨

空外風輪轉聞如海枯乾煞老鰥魚一盞忽動滄洲趣估舶  
新來日本書

城角高懸伏漲痕呼兒攜屐出雲根凭闌莫唾鷗沙上乾淨  
歸流下海豐

盛夏行儼罔兩愁紛紛飛蓋過墻頭癡人愛說從前夢呂覽  
周官聒不休

蠻王獅子近南賓瓊瑤華鬢色相濃絕好閭浮風土記客來

銷受密雲龍

祁生海樹得陳伯游

方海

書以僕將因累被糾而擁書

自樂了不爲慮各遺牘問訊走筆答之

耽書風漢學劉蕡側足焦原我亦云摧甚髣髴猶強悲來  
湖海有傳聞匣中古調爭清散柱後彈章謝惠文儻與婦人  
醇酒比酸寒應媿信陵君

霜降夜小雨獨坐

一鐙紅壓雁聲涼淅瀝窻紗夜未央知有微雲過河漢新寒  
閣住不成霜

嘉慶乙卯冬內子以一琴來歸予乞梁山舟學士書琴  
媵軒以顏其居今距內子之沒於宣城三年矣天長邱

秀才夢鯉

爲予寫憶琴圖輒題其上

無量洹河照髻絲  
鱣濤如雪刺船遲  
空餘環珮天風想  
愁絕朱絃欲裂時

廿四年隨石火徂蒼茫  
猶記夢痕無劇憐  
爨下悲涼夜彈得  
人閒海水枯

張急音痺了此生  
頌琴虛殉穆姜行  
不知多少鰥魚淚  
迸作微波汨沒聲

方柳村秀才書來言貧甚不自憂而憂予之官累感其  
意却寄

一紙江城墮似鴉  
墨痕磅礴數行斜  
才人未嫁憂隣女  
風絮將飛顧落花  
老矣牀頭紛鬪螳  
病來弓影尙驚蛇  
固窮多是

膠膠者何計重搏散後沙

張少伯

宜尊

爲子作篋管谷卷却寄

西湖閒水迢遙綠十里谿光瀉不足東鄰西舍背谿居門卷  
家家映寒玉酒人三五夜不歸白雲驚飛翩若鵠前年阮籍  
酒罍死南廬宿草還悲鍾與陸江湖潦倒何時休杜陵吞聲聞  
野哭請君放筆作長卷頃刻清風弄琴筑塵氛顏色那相稱  
竹則瀟然貌太俗可憐知我歸無家不著山中一間屋

十萬松園歌爲少伯作

松園翁何爲耶天生巨靈修羅好臂指不向爾家鸚鵡洲上  
學弄漁陽撚卻張空拳赤手捕捉生蛟蛇蛇飛上天骨蛻地  
蒼鱗翠鬣作勢爲攫拏松園翁官絹可有五百匹家具不過

三五車上客郭橐駝傭奴古押衙乞錢買山柘臯外攜鋤種  
樹巢湖涯搶以青竹短籬互掩映壘以黃土野墻圍周遮幾  
年可以掘琥珀何日可以棲煙霞似聞豐隆列缺鬪狡獪裂  
塊怒拔千桎杻昂如修頸引鷺鶴俯如攢點鵲烏鴉醜如齊  
女宿瘤贅偉如孫郎鬚髯奢森如武庫挺矛戟靜如古佛垂  
袈裟駁如文鼎辨姬妣韻如玉琯吹娥媧百千萬劫何由得  
此福譬猶慢亭讌罷兒孫羅拜呼阿翁翁於盤陀石上鎮日  
坐結跏月中白兔被翁搏擗毫素盡青天碧海哭煞金蝦蟆  
畢宏韋偃拋擲畫稿幾萬本肯便縮袖駢拇如薑芽清奇古  
怪一一筆底出髣髴貫休十八羅漢渡解乘枯槎可能容我  
袒裼裸裎茅屋底濤聲飛舞一賭第七泉邊茶



菊影

瘦影伶娉破寂寥  
澹如無著亦魂銷  
帽檐約畧飄黃落  
窻紙參差學白描  
幽夢一籬秋士韻  
夕易滿地酒人驕  
倩他自寫孤高樣  
要費通宵絳蠟燒

更誰邁軸與消磨  
采采其如認已訛  
欹並紅茱霜有暈  
照兼黃葉水微波  
雙鉤撩亂杉皮屋  
妙揭叢殘錦石窠  
說與登高徒侶道  
才人從古捕風多

小疊屏山畧可摹  
落英飛舞下杯湖  
粉痕入墨空蕭瑟  
秋意和鐙乍有無  
潦草鬚眉居士像  
昏花墻壁楚詞圖  
劉郎甚欲題糕字  
觸手續紛未敢塗

寒事二首示季弟稻生並寄仲弟肩吾里門

隙影飛騰作計虛落然寒事儘紛拏煮茶雪屋有聲盡掃葉  
風鐙夾注書宦拙謗猶容滿篋兒癡行亦可將車却從五十  
知非後已覺麈豪結習除

酒醞鐙寒過客稀日歸還笑食言肥果然暮夜知何害到底  
朝歌駐已非故劍有塵蛇欲蛻覆車無粟鳥空飛分明紗縠  
行邊路夢斷江鄉白版扉

讀史雜感十二首

穴中兩鼠鬪無端多作城門失火看魯酒本來如水薄累他  
幾破趙邯鄲

羈旅交從百戰新望深空說雅游頻陳餘張耳皆名士泯水  
渾忘父事人

坐上青蛇殿，吻雷顧廚。爭作黨人魁，平生不解陳文範。曾向中常侍宅來。

秋風飛蠶浩歌行，廣武登臨慨又生。爲謝貴游諸子弟，不曾臧否到公卿。

博具投江已，大賢惜陰參佐本。翩翩如何抵死桓，南郡尙想檇蒲百萬錢。

博士羊盧僂束修，刻深釀得漢廷秋。能通賓客能文學，可奈循良傳未收。

臥起監奴別有情，酒漿霍肉太縱橫。蕭郎只剩長鬚在，看賦櫻桃頃刻成。

劍缺三彈亦狹斜，田文賓客尙爭誇。向來薛券從誰市，市得

姦人十萬家

意氣逢人看孟勞紛紛末俗競錢刀可知季布無奇絕只博尊前一諾豪

衝冠睨柱敢誰何曹沫唐睢事尙多吾愛舍人偏蘊藉引車稱病下廉頗

繡斧威名所部知二千石亦聽鞭笞危冠櫛具何年少口舌能爭暴勝之不冠不見已非常乳虎蒼鷹老更狂未肯低頭刀筆吏十年高臥治淮陽

聞海上有警

耳語紛紛滿道旁海漚如沸趁潮忙鐃歌久報鯨魚死契箭

俄傳竄竄狂北走孫恩誰對壘東歸張翰劇思鄉樓船諸將  
休兒戲早晚威弧出 尙方

谿上二首

衰柳殘荷易感秋西風簑笠老漁愁釣竿拋了魚兒散何況  
從前祇直鉤  
修鱗戢戢上蘆磯婦稚呼教入饌肥剛被鷺鷥偷眼見撇波  
銜向隔江飛

孤懷

雁足鐙欹炮易昏孤懷無藉獨聲吞空奩約畧留眉樣矮紙  
叢殘剝手痕愁重醺虛三榼醉霜嚴被祇半床溫迴廊敗葉  
何蕭滅淚盡人間未斷魂

送季弟還里

潦水與霜清荒寒汝獨行歸心吳榜穩宦局楚弓輕視篋魂  
銷賦筠籃骨董羹高鴻莽寥廓如聽鶻枝聲

心旌懸不已何止未歸田厝漬顏烏淚械賒謝萬綿夢痕縈  
昔昔塵土悔年年到憶嬌兒女應爭果餌錢

時以番錢二枚  
寄次女幼兒

藏佛歌

風輪煽燄燒須彌火三昧法何神奇爾時藥叉鬼母錢百輩  
華嚴藏海司坎離洹河沙數入鎔寫汞飛鉛走流如聚凡夫  
肉眼那曾見自在湧出天人姿三十二相八十好陰馬藏之  
茵沓垂云何六神通慧力更以餘事爲象獅峽峨磈礧鼻搖  
息崢嶸怖畏毛披鬚馬馱羶捆萬里外白毫光映青瑠璊是

否育王第四女所造謂有感應難思維 國家肇造自東土

威德先及西南夷文殊師利致尊頌佉盧字與蒼頡沮誦爭

靈奇苴蘭洱水未除掃已 詔達賴來京師自從衛藏隸藩

服亦以黃教爲羈縻班禪坐牀衆生喜台吉奉帕頭人隨豪

酋右族覷此座如爭任子揮文鉞 廟謨洞燭許枚卜金奔

巴賜天西陲象胥鞬譯遠到日月外雪山慈嶺蓋已卑都護

屬國奉朝請皇華載道爲土宜鴿王鹿女小示現莊嚴供養

祈蕃釐賈長頭枉摩頂踵張淨眼更無此好鬚麋臘酒甫熟

梅華肥遶佛三匝灌佛頂但願長宜子孫延年益壽無險巇

銷寒四詠

飛埃不到隙駒空讓水廉泉一畝宮冰雪梅花詩境界渚沙

鷗鳥畫家風斷來煙火仙應近向後繁華夢未通却笑蜚螭  
九百轉知渠還是可憐蟲

清

人皆欲殺我偏憐肯怕雷同亦自賢甚要請纓羈絕域卻來  
阿壁問青天談龍未已還談鬼學劍無成又學仙采得博桑  
華萬朶向人爭插帽檐前

奇

忽然飛夢墮森輪疏乞循蜚隔幾塵剖斗淳風聞獨喜燒書  
前事記偏真誰憐京兆眉痕淺終覺元和字脚新一曲廣陵  
彈未了坐中迴首更何人

古

不能成佛不能魔奈此支離擁腫何禹鼎自然非鑄錯齊諧  
或恐有傳訛鬚眉校覺丰姿少歌哭無端塊磊多畢竟旁人  
輸見慣幾回狂吠日車過

怪



滇刻峒嶺碑拓本

七十七字飛壓紙鳳泊鸞飄益如此崛奇波磔不可求筆畫  
從何認起止我時追暑太平與國浮屠宮江寒六月生蛟龍  
喻彌陀塑十八阿羅漢孤瘦老硬將母同岷山導江至岳麓  
坐看橫流變平陸擘窠大字摩蒼厓稷卨當年讀應熟結繩  
以後鐘鼎前宋嘉定亦七百年紛紛隸釋各有說象形會意  
然乎然初疑杜壹丙劫曷文已非是時喬荒唐不足訾點竄  
典謨那有此關西夫子知古文句奇語重追皇墳韓劉朱張  
目未見汲冢穆天子傳徒云云狀元謫向牂牁老了髻簪花  
自言好却來胼胝疏鑿不到處萬斗淋漓潑秋昊如見九頭  
圖子爭恢奇庚辰童律生捉巫支祁可惜重華南巡下湘渚

竟無聲耳隻字遺九疑

孫仿山學博乞題花下讀書畫冊

瘦羊博士苦思家歸去春風帽影斜老子祠南過水畔書聲  
驚颭萬梅花

花光如玉畫禪兼小坐盤陀讀未厭聞道閉門香雪海水經  
纔了又楞嚴

霍山潘春洲

際雲

大令以乞養至省時一過從并以清

芬堂詩刻見貽奉訓一首

掩關風雪酒孤斟隔巷衝泥肯見尋歸計未成還獨漉老懷  
無藉各崎崯衾袖來南岳雲猶濕漿後黃門集最深聞說中

朝方借寇可容將母聽抽簪

閩部議未  
准歸養

爆竹二首

尊前撒手定誰能  
湘管圓搓紙幾層  
但聽風聲多解駁  
卽看火色善飛騰  
破來寒臘煙先暖  
迸入春空谷亦騰  
自是太平烽燧靜  
大家傳響頌升恒

一鳴兒女各爭譁  
纔貼桃符又辟邪  
撲鼻氤氲能醒酒  
衝檐赫艷怕驚花  
流輝點作疏星散  
剩紙飛隨彩勝斜  
知有風霆歸掌握  
春聲先報萬人家

庚辰除夕

一杯潦草祝江鷗  
掃盡尊前萬斛愁  
宦似陽春應有脚  
事如元厯恰從頭  
酒狂未了希夷夢  
債帥虛呼博進侯  
多說東風吹校近  
翦枝飛雪壓冰甌

唐花二首同潘大令

際雲作

冬烘著意候灰葭不放東風過別家臘鼓未煩催爛熳公門  
先與鬪繁華春魂窖暖清明火冶女鉛飛薄暮霞一笑白頭  
劉阮在重來多作熱人誇

桃花

歐碧鞋紅已爛開催花聲已聞如雷誰知絕代天人貌多是  
奇寒煦嫗才富貴翻身還火宅雲霞炙手近金臺九重第一  
朝元日姚魏應先拜舞來

牡丹

辛巳立春試筆

元日曛曛萬象新隔宵有酒醉逡巡土牛礫攘迴寒氣竹馬  
喧闐滿比鄰澹白花鬚圈入畫乾紅燭燄翦如春一鞭肯與  
句芒借收笛能吹翼北塵

予應赴直隸候補

新煖如綿客思蘇也來簪勝飈於菟隔年漢臘辭人早排日  
唐花得句麤萬紙爭飛投刺字一鐙多注選官圖江城要試  
春風手點筆三堦畫泰符

大觀亭春望和潘大令

近郊何處好林垌繫馬春風尙此亭市小魚鰕緣郭上雪銷  
薺麥過江青淮南萬竈淨天柱楚尾千檣接洞庭我亦歸心  
流日夜雁聲如櫓不堪聽

春分

紅梨開落已紛紛小雨纔晴又澹雲半作團圓半離別惱人  
無賴是春分

夢至蒼雨亭看雲物作

夢斷荒苔絕壁行白衣蒼狗鬪陰晴一條柳栗橫擔處但覺  
歸雲抵葉輕

寂寥

河陽雙鬢已蕭蕭歸計蹉跎轉寂寥春事因禪沾作絮鄉心  
和酒上如潮幾曾博局投金注孤負名場賦洞簫欲寄相思  
與江水白蘋吹雪夜迢遙

雨

小紅樓角轉輕雷潑水春寒已作微可奈疎疎連夜雨杏花  
開似未曾開

次春洲大令韻

推敲頻叩故人扉病羽從看百鳥飛劣有浮名還諱老卑無

高論尙知稀桃花米斷分支俸白鷺綠涼舊製衣已並桔槔  
隨俛仰旁人猶道未忘機

雜述同春洲

客心如橫流所赴不擇地墜之卽逆行汨陳勢必至齊桓塞  
九河潰裂蓋有自治心與水同隄防抑其次常使有專屬百  
念不敢驚高門方旦開雷動萬車騎夫君居上頭羽葆雄且  
熾見彈思臯炙人情無足異我獨溯六籍息此汜濫意鬱伊  
一以消泊然無所泊肯與諸少年衰老鬪疆記

涉廳風日妍小草含其姿天然有情至動於無所知江雅喧  
屋脊雙雉來逐之嘎哨若有喜慰我投懷兒髻亂溯千里壩  
亦尋其甕抱書向阿兄尙覺語言癡因之念良匹骨塌青苔

滋可憐拔心死日夕悲卷施

吾愛顏夫子其言明且清歸心止足篇澹漠無所營迨迨六  
代際見此名公卿歎彼晨風鳥北林有餘情浮萍載江漢感  
此身世輕胡爲勿作達擾擾勞其生將心比碁局歛手何敢  
爭君看雞與蟲二者誰輸贏

自從禹鼎淪百物備已久不若雖紛然相遭蓋亦偶劉郎獨  
何爲刻畫盡其醜量交語絕奇前此未會有伏莽升高陵焉  
得筮无咎匕首可千金奉之稱上壽君子謂勿爾用意良獨  
厚狡兔且休矣韓盧在汝後

伯勞與元鷲各自飛東西江湖莽難越求友何棲棲旁有反  
舌鳴百變無端倪誰能信夷跣徒爾悲阮嵇君言且飲酒欲



譽恒得詆道逢好男子執之謂可疑  
近將復邦族南畝行春  
犁駕言尋參寥萬物安能齊

仲弟游吳郡却寄

如賈求三倍茲游或可疑  
陶人陸鴻漸估客越鴟夷  
老我多憂患中年易別離  
伯通良可託慎勿出關噫

得張氏妹書

蹲鴟不可得何有懷清臺  
家已填東海書翻寄大雷  
浦雛輸乳燕埋骨約蒼苔  
孝綽真慙我蕭然髣已摧

再疊春洲前韻

許我安橫憶故扉  
日歸履亦肯鳬飛  
書留質庫蟬先飽  
門縱張羅鳥已稀  
刀煎白供春社飯  
菜花黃染水田衣  
到家合作

胡盧笑無婦何愁不下機

上巳同周石甫大令

鶴立

登大觀亭話鳳類舊事

楊花飛滿城游情亦如絮因風出郭門搖蕩到江住彭蠡來  
西南浩浩向東注江寧劇春寒暖意甫到樹坐與新綠平既  
久不能去登登碑聲涼葉葉颿影翳因時祓不祥狗俗屏遠  
慮白日方載陽萬類謝涵煦豈有寬大年轉或滋危懼所悲  
兩鮮民侘傺託感遇因之話疇昔妖燄燭兗豫渦淮况橫溢  
流離滿行路大府自賢勞夙夜犯霜露君迎自漆園陸海屢  
飛渡塗山古神叢蕭森日昏暮一鐙閃陰廊慘澹顏色苦其  
旁黃流聲夜半勢益怒握手謀犄角庶幾磐石固上馬誓殺  
賊區區草露布旋聞國威伸雞犬幸無故憂患曷敢忘升

沈諒有數往事如急流既過誰復沂昔爲車下薪今爲轍閒  
鮒江山甚清空媿此塵土污相看頂上絲翹翹兩汀鷺鷥尙  
銜魚歸羽翼焉可附及茲翫芳時弗爲華髮悞君看采蘭人  
褰裳去不顧

石甫招同潘春洲吳華南大令

山陽

舍弟

恂集地藏庵

卽清水塘余忠宣公戰處也二首

江聲聽不得天與隔孤峯百戰空濠水殘春野寺鐘  
戟沉沙臥柳樹暝樹圍蠡太息康郎廟偏成異代庸

慷慨青陽集蕭閒白社人畏寒猶出郭過雨不霑塵蒲筍僧

厨饌萍蓬宦海春如聞嘉醞熟還約討幽頻

春洲約再集於此

周忠毅公玉印歌爲石甫作

印螭紐寬六分高徑寸陽文季侯

刀砍東風六君子公亦坐贓一萬三千死義士多如鹿大公  
此印何妨鈴萬紙吁嗟此印此字何所使一丁不識妄識爾  
南衙誰客魏兒北寺誰膺滂屍腰閒一塊玉上有青蛟螭龔  
蟲親見對簿辭蟠屈鬱怒鱗之而不亟拏雲奮鬣擊殺此奄  
無乃癡文孫得之悲再拜涕漣漣或謂此石不可蝕直與高  
廟禁用闕寺碑斬絕或謂此字不可確乃是沙囊壓腹齒骸  
狼藉之殷紅吾疑爾日殉公隨席藁淪落何由墮嶺表得毋  
碧血錄中燕客之經營攜諸懷袖游滄瀛不然亦如詔獄顏  
紫所竊二百八十字換酒流傳到人世使君勿復更疑怪但  
當寶此琳瑯與金薤獨不見長安市上康熙年寸楮爭喧客  
氏拜

訓劉孟塗

開次原韻

飛鴻蹤跡漸磬千風雪相逢話夜寒知爾罪言如杜牧幾人  
吏治比兒寬銜杯燭影豪依舊撼枕江聲夢未安聞說諸公  
能薦士文昌星象再三看

孟塗受知於  
蔣礪堂督部

春洲招同石甫華南孫仿山大令

讓

江樓餞春分韻得

峯字

春來吾未知春去偏忿忿但見郭外花歷亂如飛蓬飛蓬轉  
笑人留此成老翁鄉愁各無限挂在江上峯銜盃且勿道醉  
鬪衰顏紅梵樓映新雉慘亮鳴齋鐘招邀覓淨侶壺榼翩然  
從抗言謝鷗鷺非敢希高蹤矧此紛有觸百念誰能空美人  
善窈窕昨與幽夢通貽我雙瓊瑋暫去行相逢摻執之子祛

微辭要始終君能挽狂瀾勿使日夜東亦願假須臾爲君駐  
華容行行渺天末極望沙渚鴻彭郎與小姑揮手蒼烟中想  
亦出送客結轡將毋同天地爲爐鞴或者離思鎔君看芳草  
痕已偃西南風

張

堯思

畫巢居閣古梅周忠毅公墓刻於和靖先生祠

其前有華亭張

鼎

種梅序公爲之跋尾嘉慶庚辰吳縣

李寶之

瑞

得諸西湖之濱以歸其六世孫

鶴立

道光元

年見於皖上爲作詩記之

我手不能畫能畫湖月大畫成蝦蟆來捉之逃至巢店山閣  
外圓光到地人驚猜孤山夜半梅花開梅花本無有居士骨  
亦朽誰與寫到咸平七百餘年前鈎勒鬚眉出單阜轉使後

輩相看慙老醜畫梅何如種梅好多謝華亭老張老頃刻春

風三百株桃李漫山迹如掃

忠毅因張君言補種梅三百株并命道士設藩守之

其

年萬厯之丙辰忠毅手跋侑翁文倉皇北寺寃黯澹西湖雲

斷垣碑仆牛礪角荒亭鶴去鳩乎羣梅花有時無明月不肯

死江南江北苦相尋夢醒霜寒石齒齒畫耶禪耶那有此石

先一夕夢忠毅公次日得此本

此坐何因緣良亦結習爾本來墨妙能通神

君子有穀貽孫子許田定當還趙城不足恃拓本流傳自今

始我欲竹屋隼几摹萬紙

喜伯游病起時應京兆試甫抵牛渚而還

去旣不成別歸與亦未知病多傳恂悅見始定驚疑易退風

前鷁虛然渚上犀長安莽迢遞衛玠况清羸

和生寄示送春詩音信悽斷予懼其憂生近時欲有以  
廣之二首

藍尾春濃有樂方斟來北斗當離觴儘拋金粉繁華夢定怕  
炎歊熱毒場揮手風雲開道路回頭闔闔認家鄉行行莫憶  
穠桃李蠡蜨如今不敢狂

便趁羲和早著鞭輕雷轉轂已殷闐無人芳草斜陽路往事  
梅花小雪天乍判青紅曾幾日亦知閒闊祇經年東風不作  
銷魂別要讓南熏上玉絃



簣谷詩鈔卷十六

海昌查揆梅史著

訓夏慈仲孝廉

寶晉

并寄頻迦

故人不可見，怒焉悲輞飢。見其所親暱，已使彌依依。老懷沮湖海，鴻雁孰與飛。君來似春水，先歛江上扉。固云中心好，良由知我希。二十察孝廉，三十下第歸。文章庾鮑賤，流俗侏儻肥。奈何孤鳳皇，轉被羣鳥譏。勿以聆音少，遽輟青琴徽。故人一械字，三歲墨未晞。閑置嚮屋漏，忽朗照乘機。語少句鄭重，言外餘歔歔。因君謝故人，幸未如脂韋。

午日同慈仲集寓齋卽次其韻

扣舷來及楚，蘋香江上魚。龍不敢狂，豈有少年輕賈誼。獨憐

孝子媿王陽青蒲細柳韶華改乳燕鳴鳩白日長與爾尊前  
頻起舞那知沉醉是他鄉

卽事

梅寒釀得日痕長壁上莓苔浣亦香熱客車塵飛不到棗花  
滿院誰聲涼

課兒還作寫經生劉蛻文章退筆銘苦憶紡車燈下坐卅年  
前我讀書聲

丁仙坡大令招同石甫游迎江寺

高寒江閣俯浮嵐揜脚層雲我尙堪漁筵破空何處起匡廬  
彭蠡又西南

破除文字斷聲聞尙愛羊家白練裙孤墻一枝如卓筆朝朝

揮盡過江雲

寺僧以紙墨乞三人詩

予珮臨風孰可捐  
歸心東欲接飛鳶  
樅陽門外帆如葉  
多是人閒大願船

夏日書所居

城闕荒街少過從  
蕭然巖谷暑相同  
閒期郭象疎秋水  
熱想劉褒畫北風  
仙氣棗花簾上下  
夢痕槐葉屋西東  
酒人易逐浮雲散  
灞岳朝朝翠掃空

時石甫往居巢春洲往霍山

和陳叔安初夏苦熱韻

閉置渾忘過日車  
又看紫槿謝朝華  
髮宣尙濯三升水  
肺病先求百串茶  
何事飛塵汚庾亮  
幾時涼雨喫欒巴  
重簾一角清冷地  
胸次無煩更壓瓜

夜坐示兒子世燮世炯

庭角芟夷草不芽飛燕聲已遠  
窻紗儘留一雨嚶然在防著  
江風醒睡蛇

鑠金流火已非常祇有安心是樂方  
莫笑扇統風力弱不從  
人手乞新涼

櫻鞦

綠割炎天雨香攪楚地晴  
鞦香楚地禪錄語  
韞纔魚鱗細繫校筍皮  
輕小稱蹣跚疾休隨襍穢行  
夫須臺可製同慰看雲情

藤枕

似有谿風起拋書倦思侵  
居移大槐郡醉憶古藤陰  
醉臥古藤陰下  
秦雅咫尺清涼地須臾富貴心  
袁郎期共臥未到雪泥深  
海詞

竹簾

一榻涼如許流黃熨不溫  
幾人塵想淨此席睡鄉尊  
玉雪霑秋影風漪寫夢痕  
蘧蘧閒况味祇合杜衡門

風鐙

翦水秋檠側籠紗絳蠟餘  
何曾生障礙轉恐受吹噓  
風露擊猶炯房櫳映晷疎  
飛蛾投不得宵小或憎渠

響竹

劍首徒虛映筠筒劇善鳴  
此才真籊籊何物尙營營  
但遣聞聲避終疑逐臭行  
山廚無酒肉莫近竈觚驚

冷布

漚定東門見黏偏北地  
誇透風兼透月如水亦如霞  
綺扇羅

紋格虛櫺方空紗不勞揮散卓難著墨行斜

油紙扇

越市裁初出倭船販已空任攜寒具宛偏謝白團工雷聚驚  
蚊母風鱗稱社翁仰家新樣好羞煞落霞紅

瓦歎壺

愛趁斜陽影爭飛白雨豪多纔容勺水涸或補秋毫并幕分  
番汲溝陰次第淘主人泥飲日莫忘挈瓶勞

涼篷

火繖炎官慣風篷旅客便一繩移白日片席卷青天庭院淨  
如此江湖思渺然蕢洲漁篴外不少檣頭船

竹簾

畫綫雙紋綴新絺寸碧鑲罅穿風細細斜挂水行行燕慧窺  
鉤怯蠅癡觸額忙老夫饒太甚苦憶筍時嘗

銷夏讀書四首

周易

苞符啟一畫參兩倚天地有橫而無縱萬古不可敝當時史  
官誰慙愚作書契奇偶忽顛倒遂與卦體異所以鬼夜哭豈  
謂洩靈祕果然私智繁各自創義例雖有姬孔言雜出秦漢  
際緯識據單辭軌革託絕詣譬諸舍要領而欲求肯綮紛紛  
論消息爻辰抑其次不如讀鐘律置槷候日至或者尙元虛  
斜簪解散髻不如讀參同化牡證旣濟注書以鐙喻影多鐙  
轉翳人人易其易何與彖象繫吾知邃古初已悔立文字

莊子

百川方灌河秋水無津涯牛馬不可辨浩與逍遙期冥心運  
尺輪飄風來炎離道逢鷗大鵬告我南溟移許我附腹背橫  
覽周四維扶搖過九萬蕩蕩無路歧寄謝鷺與鳩飛搶毋乃  
疲少焉一處子冰雪瑩膚肌辟穀餐風露見之忘朝飢相將  
御六氣皆與萬物遺是何妙思議朽腐爲神奇第謂古聖人  
汲汲多可疑獨於六經外汗漫無端倪苟以抒鬱紆遑計非  
孔姬燭龍有狂燄詎曰代娥羲

水經註

孫傳旣僞譌班志太約敕安得漢博士親見古圖籍水經最  
後著酈注妙附益慨自割據餘南北互沿革以水爲經緯輿



地斷可識禹貢四十引言下求其實王鄭有依違闕然異私  
臆所惜錯簡多淺夫讀不得東原信知言順使羣喙息過逕  
一以分經注不可易從來決疑案豈在矜創獲可憐劉與歐  
齟齬若被劾老莊方告退山水滋搜刻六朝苦衰茶此獨善  
峭仄後來柳河東咄咄欲相逼

首楞嚴

人心如山靜意則虜寸雲六塵何所喻風動雲繽紛試以雲  
還山真妄犁然分慶喜佛同氣於彼爲多聞乃亦墮姪席未  
免慙修熏大海生一漚諸幻因無垠但使百念盡心性交細  
縕目翳見空華翳去無餘芬荀卿論性惡釋氏屏意根其言  
本精刻所苦多深文縱之無何有徒爾慧力厖虛空不破爛

如是我亦云

邊壽民畫冊八首

帳下雲如墨何時浣玉顏須知陰陵道不是胭脂山  
春風彈粉黛莫羨漢宮春不曾留呂雉終勝戚夫人  
嵌壁簫如玉欹屏葉比紈豐臺三萬本回首夢長安  
內家要朱鉛朱鉛苦無力如何墨後猊亦作將離色  
我愛冰臺好於菟揮髻斜年年重午見不比菖蒲花  
荷葉覆鴛鴦下有同心紐鴛鴦或分飛不如花底藕  
齟齬各張鉗崛強不受翦笑我如老鬢徑思一草縛  
東家秫酒香西家籬菊紫季鷹強解事祇愛鱸魚美

七夕二首

年年吹笛過銀灣  
剩有梁清認舊顏  
閒著天船怕飛渡  
一船風浪抵人間

空外仙韶似可聽  
鉦樓爭盼水天青  
支機石去無消息  
愁煞滄江老客星

不寐學俳體

纔與蟲爭晚飯忙  
分鐙先愛拓閒房  
簾新尙覺繩牀熱  
茶劣偏聞甕酒香  
撒豆文窻蠅觸紙  
簸錢複壁鼠穿牆  
記來短至無多日  
巷柝沉沉夜校長

喜張少伯

宜尊

過訪二首

蓬蘢荒閒久車塵  
衆所驚論交然諾重  
積毀此身輕  
忽枉巢湖棹  
言尋皖口城  
無能具雞黍  
慙媿故人情

如君真吏隱於古亦潛夫官老冬瓜堰家移青草湖星郵求  
畫亟鶴俸買山無莫信悠悠者斯人不可誣

緬甸從軍行贈唐少府

翊華

天可汗有飛將軍幕府草檄才如雲一官歸老且八十尙憶  
征南萬里絕轡褰蠻裙奇莫奇於騰越州西黃果樹百日不  
可停大鳥不敢翥上蟠下際經幾盤古之刼灰威械所至天  
初開其下有焚道爭鑿凶門迴鼉牛注尾杠首橫蚩尤旗卷  
阿瓦城山頑谿惡俗毒淫瀕海每與蛟龍爭吾疑禹時黑水  
淪徼外或者竟從木蘘戶臘輸滄瀛少年上馬要殺賊犵草  
獐花壯行色放膽才鋒盾鼻看紀行詩句弓衣織百年易過  
雙髻斑獨不見嵯峨高冢祁連山已遺韋臯經畧去更聞蘇

武節旄還將軍從天獨神速獅子蠻王帖耳伏提書飛報甘  
泉官長揖將軍乞休沐旁人莫笑腰脚頑曾見南極出地三  
十六至今尙能據鞍矍鑠飛食肉

余忠宣祠大觀亭落成懷古三首

七年宣慰繫安危青史因公一涕垂吳楚蒼黃殘局盡江淮  
彫剝幾人支孤軍海上田橫島太守城南許遠祠歎息鞞刀  
揮手曰天魔按舞正酣時

江亭秋序劇崢嶸清水塘西結構成往事但聞陳涉起有人  
還媿褚淵生一家兒女風雲氣百戰兵戈草木聲我似翟湯  
千載下墓門來酌卞忠貞

修廊曲折俯鷗汀橐橐應聞曳履經垂死頭銜領祠觀如生

靈爽見丹青秋風漢苑通天表舊夢金源野史亭偏被五朝  
長樂老誤他初服返林垌

簪菊歌爲丁仙坡作

君作簪菊畫我作簪菊歌有酒不飲空蹉跎有花不簪老奈  
何江南九月秋風多秋風吹人雙髻白何況一官已如客開  
圖便見釘拌稻蟹黃頗似劉郎想鶯炙接離不著衫裋輕紛  
紛童稚爭相迎似言羊求二仲世已少畧將嬰兒子意揮三  
彭花徑雜沓聯臂去花朵如椀孤拳擎葉底並粘蝴蝶癭籬  
根兼捉蜻蛉驚翁之短髮種種已如此挽鬚抱項亂揮繁枝  
橫風光歲歲當重九翁但銜盃開笑口自從昆明洱海萬里  
來江南生怕持螯閒左手秫田可芻不必賒柴桑可官不必

誇郎君三十已直門下省翁且滿頭黃雪一醉彈落霞仙坡有琴霞名落

雲伯小湖積堂先後以書訊近狀拉雜成詩五首却寄笑騰北隴幾經年我馬虺隤峻阪前自是城門遺社火何曾營室欠天錢鼎鑪談烹飢蝨窘繳離披墮紙鳶聞道漏舟歌轉美使君家世本貂蟬

樂府康王訴鬱伊不須七首覓要離已輸家令囊中智偏作邯鄲帶下醫老我銜悲猶有闕更誰哆口尙如箕升沈過眼雲烟似肯與尋常泣路歧

未信風塵要此才幾曾榮祓謝三災網開天許奇毛逸彈過人求美炙來落拓中年猶病酒迢遙左蠡獨登臺昨宵一枕

鄉關夢多說顏烏負土回

鱸魚雪白紫萼肥曾勸休官早息機碧鶴韋郎人已老青綾  
謝女障全非悔來仙鼠腸三易死定免禽翼並飛記哭魏城  
君一慟敬亭寒食雨沾衣

樊川才大樊南多一樣浮名擾擾過儘有流言鞭寧越絕無  
作奏代常何雁迴彭蠡秋偏迴木落松滋水易波多謝故人  
勤問訊扁舟吳會尙傳訛

陳兩峯副戎

階平

乞題紀

恩詩冊

藉甚淮南北將軍一代賢薦煩唐節度官起漢營田拓戟吟  
情壯膺符異數偏濡毫見肝鬲不獨擅詩篇

賜並金貂重趨承

朶殿行拜來

天語渥捧出侍臣驚



鹽鐵高文在河渠報最成遂邀王貝勒親與整冠纓

旅夜遣懷戲爲俳體

已弄寒竿又過簫本來孤館勝商飈閒尋影事多陳迹畧寫  
人情要白描秋夢痕成沒骨畫瘦詩神似脫胎繁年年慣聽  
雞聲曉詮詠如霜曉易消

餞秋四首

九月江南水不波荒郵迢遞餞秋過多情轉怕相逢劇小別  
將如易老何落葉昏鴉成悵惘零砧斷杵與消磨黯然比似  
春歸日芳草都無況有他

秋士相期一破顏漫攜壺榼過城灣數椽棲泊歸遲燕幾筆  
荒寒畫剩山漸覺崢嶸餘暮景可堪蕭瑟尙江關生慙不及

賓鴻影送到衡陽未肯還

成功者退幾能留一曲驪駒未了秋逆旅光陰爭上髩歲寒  
心事恰從頭預尋紫蟹黃花約易惹枯桑海水愁賸有楓人  
知別苦酣紅渾似醉鄉侯

指點虛無輒壤存征夫遷客總消魂卽論氣味如同調但話  
風霜亦感恩江渚畸人悲宋玉塞垣枯柳老桓溫獨憐張翰  
思歸甚夜夜聾鱸入夢痕

曉起卽事

喔喔雄雞唱行行駿騎聯江明帆趁日霜暝瓦浮烟刺字如  
蠅凍桃符若鳥翩驚心聽臘鼓淹迹已三年

夜過石甫

陂阜近相望相尋夜色蒼星河低雉堞燈火小池塘妙畫典  
衣買新醕折券償劇譚忘在客鬚髯各吳霜

祀竈

道光元年冬我尙客江徼其日醉司命比戶各送竈竈神將  
安歸油藥作神轎花糕堆如山獅蠻頗酷肖黃金萬裏蹏躑  
紙動盈窖翁媪語喃喃祝詞無不好媚奧吾未知媚竈誰所  
教一任童僕喧且聽稚子鬧當垆撒芻豆擎拳放紙爆豈不  
樂歲華聊以慰瑄璫竈本老婦祭鰥也何所禱譬如饗夫人  
禮合命婦醺詎容妄男子闐然相酬勞所歎中饋空稽首自  
舞蹈明年兒娶婦舉此應一笑

感舊十五首

梁山舟學士

同書

閉門七十年人不見其出寒士一詣之走謝不越日穆然如清風使我百憂失前生老頭陀好潔非好佛迂哉邢和璞苦道房次律

吳兔牀太學

鸞

少謝科舉學老却徵士聘門前賣書船谿上看花徑校讐友鮑淥盧抱經根柢溯許鄭佳槩如錢刀每感脫手贈隕星何妖祥墮地火色迸抗手語戴逵公死殊未定

周松靄大令

青

其短如曼嬰量腹受有數不知十萬卷撐腸著何處里中諸少年廻翔美無度先生不澣濯轉覺潔如鷺岑溪好祠堂至

今有餘慕豈弟古君子不在才與遇

秦小峴少寇

瀛

山寺風雪深車騎過湖上拊肩謂我寒有士不能養此時池  
上橋梅花夾青嶂花亦聞公言飛舞白如纈明日遣兼金走  
馬問無恙還山一再見白髮苦被謗如何鄉黨閒煩言不肯  
諒

華秋槎司馬

瑞瀆

罷官客西湖居近水磨頭鄰僧話神慧古壁搜蘇歐酌酒命  
家伎箏笛鈿篳篥水禽聽已慣曾不飛驚漚我時愛談兵動  
作終夜留歌聲段橋外欲與湖雲流可憐如雨別誰復知其  
憂

法梧門祭酒

式善

詩歌少年事何由聞京朝祭酒寄我句澹極不可消相逢積  
水潭所苦街巷遙經年未一往疑若貧賤驕有鳥本靈羽強  
名以鴟梟翻然奮我翼欲訴求其曹因之告爽鳩遂息羣啄  
囂謂朱閑泉事懷哉畏吾村宿草風霜凋

恩雨堂少宰

普

仲翔處海濱學易勝京氏尙若知者無引爲國士恥文章肯  
徇俗刻覈求其是長安看花人紛紛愛紅紫力爭公不能歎  
息尙滿紙飛黃在路衢馬骨敢入市竟斬一面緣何況師弟  
子吁嗟不祥金坐使大冶死

胡果泉中丞

克家

淮南方存饑黃流漫村疇飛符責團練半已死水旱其才如  
殘秋逡巡日苦短傳呼大吏來但媿負弩緩祓濯非所期升  
沉豈足算當年同薦人湖湘駐旌罕

陶季壽大令

章鴻

檀栢飛秋雲孤夢引遠覽我時怯山寒奇景君獨瞰踏翻太  
行脊驚破老佛膽近聞入晉祠一別不可學新詩遠寄將紙  
色劇慘澹遂已隔人天前塵忘豈敢

陸少白處士

素生

酒星夜墮地夢攫口吞之爛然入腸胃醞釀爲文辭醉人喜  
且罵醒者或未知如何十年長已有千秋悲老我過谿橋竹  
屋猶水湄舊時閑飲地雞犬知爲誰

家南廬上舍

世官

君年甫三十已行萬里餘相尋過燕市飛軌無停車頽然望  
顏色如見鑒無間恢詭游俠傳裨闔長短書才固不可羈流  
弊因紛如故人有高義後死還慙予一坏趙州土華屋爲邱  
墟

陳半圭茂才

敬璋

袖底何蕃書道上唐衢哭一醉輒清狂旣醒轉局促常怪講  
學家語錄多爛熟所得吾未知立行不徇俗歿已爲社公勝  
噉冷牛肉

鐘半人上舍

大源

潮聲撼臥榻破屋纔如舟誰知咳唾地中有萬古愁物生稟



時序君獨知其秋揮毫排空闊一手爲遨遊四海習鑿齒舉  
世良悠悠

馮爾修茂才念祖

移村讀書地結交羈州初與人若遠近不可得親疏東游上  
日觀坐送跳丸徂但頌養生主未佩抱朴符詩人苦惡疾茅  
苒何時無

家藹亭經歷人和

朝趨京兆府暮醉習家池其旁有金穴把琰姑置之馬上珊  
瑚鞭等是昨暮兒歸來後下醉酒醒曾幾時

除夕祭詩作歌

東家竹爆衝檐茨西家鉦鼓豚羣兒請鄰祭竈各有例潦草

苦被廝養嗤米少不必吃酒多毋庸辭尙有青銅錢數百  
纍若若安用之鞠躬肅衣冠再拜陳我詩破軸半被齧老鼠  
汝亦癡牛腰彭亨三五束蒼聖怪我營其私不知中作何等  
語但覺蓬勃酒氣猶淋漓詩汝聽我言爲我進一卮燕許大  
手筆賡歌陳赤墀而我如瓦缶敢望清廟藝其次承明廬一  
一鷗鷺姿我聆仙韶響媿此老嫗箴江湖亦萬古霹靂飛天  
池而我非燭龍敢傲椿木枝百年塊磊作奇疾扁鵲歛衽謝  
不知撐腸拄腹幾萬卷漸欲光怪鬱律生蛟螭賴汝一傾吐  
宿物無所遺以手爲口口喔咿嬉笑怒罵哭涕洟其聲在紙  
聽更奇偏師突陣揮戈鉞雷門蹴踏鞭躩踞劃然圓電飛神  
瞽光明海藏皆瑠瑤官商爛嚼音逶迤百鳥喑啞靈籟疲汝

固有然我自疑餽釘果餌堆盤匱豈無腥羶膾血供朶頤第  
恐肥羊大肉狼籍非汝宜詩亦以臆對旣醉還相規主人爲  
我壽而曾不自危君見古詩老幾輩富陶猗君見古詩老幾  
輩貴臯夔下第苦飄泊拙宦多別離當飢不可煮當寒不可  
衣貢諛旣不肯干謁還攢眉呻吟送旦暮良負娥與羲楮生  
毛生豈益友日與窮鬼相招攜昔猶二十今五十江南塌翼  
亡其雌詩之所崇惜未悟日夜撚斷星星髭維南有斗北有  
箕古賢昨古時賢譏狂毫浪墨儘塗抹鯨魚翡翠徒爾爲噫  
吁噫鯨魚翡翠徒爾爲門前賀客高軒誰

壬午元日宿雪新霽喜而有作二首

纔約飛雲闕玉觴酒醒又趁好韶光頭銜老任隨年換鼻觀

聞多破臘香春事如潮先有信奇寒似客亦非常辛盤起作  
婆娑舞未肯當場早諱狂

隔年清漏咽銅龍萬象爭隨霽景鎔歲稔有花裝節物才難  
無筆寫天容籠紗鶴燄霜風靜逐隊雞鳴海日彤何似衝泥  
發高興江亭閒坐最西峯

對雪簡華南

萬花飛舞鬬鳴珂天與袁安謝客過漸老自知奇氣減太平  
方覺醉人多戲尋海上仙褰蝶生捉山陰道士驚料得吳均  
剛說餅清狂還肯戰愁魔

幾人豪欲賭尖叉瑤想瓊思未有涯一霎飛騰騎鶴背半空  
圈點畫梅花坐來虛室光中白照見恒河髻上華如此嚴寒

如此夜先生無酒亦應賒

華南次前韻見示再疊奉酬

仙駟真想玉爲珂似我閒門亦許過漫道緇塵從此少本來  
名士苦寒多空花色欲疑龍象白戰軍應破鶴鷺解與行雲  
行雨比一般神女敢嫌魔

酒錢多付玉鴉叉醉汝翩翩水一涯 國卹逾年猶魯縞春  
遲造物亦唐花尊前妙悟參禪絮客裡多情戀歲華肯道北  
臺詩句健論才終覺古今賒

越日復雪周石甫以詩見貽三疊前韻

已催羲馭振仙珂又見繽紛玉戲過清白自他還有耀聰明  
如汝未嫌多纏綿謝女新吹絮懊惱劉郎欲炙鷺好在白毫

光裏坐照來丈室肯容魔

八部諸龍鬪藥叉幾番裝點好天涯新痕已化模糊影舊樣  
重翻頃刻花春水方生江欲白元宵纔近月先華對門有客  
猶高臥許聽飛瓊句未賒

石甫走筆見和四疊前韻奉酬

手如天馬製飛珂句似曇華瞥眼過我法未如卿法勝化工  
端校畫工多無聲廣野迷牛馬不夜寒沙起雁鷺一樣敲門  
爭索句長鬚奴各笑詩魔

重與分題上畫叉白描還作冷生涯祇知有力能消酒誰道  
無香未算花大藥自然飛素汞美人從古斥鉛華負春錯認  
瓊枝影不是東風不肯賒

人曰次石甫韻

對門郊島幾篇詩風雪雖寒有去思客裏人猶如此日醉中  
春定到何時宦同說夢癡尤甚老恐看花力未支笑喚尊前  
難與穀一般皮相孰豐頤

徑欲相呼飯顙山豪吟先與破羈顏江湖蹤迹人如雨荆楚  
年光俗近蠻擁髻君猶憐小病放晴天尙作奇慳老鰥分少  
金釵泥但道齋期閉八關

石甫前詩有送詩奴合驅長鬣攜酒人猶喚小蠻句以  
小蠻爲酒榼謂予不當以金釵泥酒例之此野客叢談  
附會之詞耳戲作二絕句自解

風流白傅足清歡楊柳當筵舞玉盤若使小花蠻榼子不須

攜與老劉看

王慙以白有小花蠻榼二  
三升句遂以小蠻爲酒榼

竹屋風鐙雪片鹿說詩匡鼎一胡盧五湖欲問鴟夷老剝腹  
能容幾石無

石甫又用前韻再疊奉酬

花鬢天豈爲催詩要作奇祥慰客思屢舞且過無恙歲寒號  
容有不如時水衙儘好多先換鶴料因寒肯借支徑欲衝泥  
山谷寺與君手版一搢頤

登高誰上盛唐山故事相尋一解顏作達紅塵餘落魄言旋  
黃鳥與綿蠻討春值悔千金少排日何嫌一飯慳見說東風  
如過客能來應已報當關

穀日復大雪同石甫作長歌



人日已傾三百杯，穀日須乞鄰家醅。黃雞三號白日出，若木  
枝上一一璫。花堆玉龍下，矚江城隈酒人擗髯搖其頰。是何  
太瘦生，高臥瓊瑤臺。自稱左伯桃，其一羊角哀。硯硯崛強不  
肯埋，鳶肩聳削轉與雙尖馬耳爭。崔嵬萬怪回皇駭，且唉唯  
有天西南。雪山色皚皚，羅刹夜叉各使六神通。力扛俱來壓  
汝凍骨生蒼苔。兩人聞之笑口開，餓夫寒殣亦有才。不才君  
手爲春風揮斥萬事根，本黃鐘回我手如爆竹坐使天女恇  
怯驚。飛雷空乏拂亂何爲哉，螻蛄屈安問蝮與虺。君歌我當和  
我醉君勿催，玉川老屋半滲漏。但遣白鸞尾掃諸淨埃，百蟲  
將軍如死灰。羯鼓萬面轟谿梅，方今闔澤周八垓。汙邪滿車  
祝有部，多田翁亦賑然。咍馬牛人日屈指排尤願，九蠶十麥

大熟無偏災酒人拜手歌阜財

寒夜不寐

擁被此長夜雞鳴矢好音江明窗紙白雪重柝聲沈戶外飢  
寒骨鐙前仕宦心永懷成不寐梁甫一孤吟

寄懷劉海樹刺史泗州三疊前韻

論交肯忘角弓詩却望洪濤寄遠思梵埵湮尋殘劫後淮流  
清遶放衙時家多佩犢成風俗天遣飛鴻費度支雨雪尙勞  
行部出新來潘髻可垂頤

此州人望重於山多少飢寒待暖顏江海能容魚育育桑麻  
無恙鳥蠻蠻相聞盡道才難敵欲別應疑見或慳知否陳蕃  
歸讀禮茗花如雪不開關

謂白雲  
郡丞

仙坡以和石甫詩見示四疊前韻奉簡

南嶽歸來幾卷詩，滿身飛雪賭豪思。郎君中禁簪花夜太

傅閒庭詠絮時。

君有才女工詩

林影猩紅風帽墊，窻紗鶴燄酒爐支。

奇寒故鬪雕瓊句，一解先生醉後頤。

湘梅紅上小屏山，又見東風破旅顏。點雪白鷗窺短髻，過江

青嶂落南蠻。

君曾官鄞郡

暫閒簿領真奇福，不乞烟雲亦老慳。且

聽春鐙新樂府，未容銀鑰下重關。

索君畫久未得故有第六句

再題憶琴圖二首，時道光二年春上元前二夕把杯獨

酌，展圖惘然。

檠燭銷如殘淚樣，簷冰清絕折釵聲。一杯潦草雞鳴酒，月落江南夢未成。

紫薇山近白公祠  
椎髻尊前賭韻時  
海水祇今悽斷夜  
可憐能畫不能詩

坐雨答陳叔安公子見寄卽次其韻

典謁如雷削刺慵  
尙勞堀堞擾孤蹤  
驅車門外泥三尺  
投幘牀頭日下春  
跌宕酒場王猛盞  
喧豗鐙市葉公龍  
君才便是催花雨  
揮灑能澆塊磊胸

陳小憐小影卷爲程蘅衫

荃作師荔扉所藏沒歸蘅衫

落花飛上昭王臺  
臺旁有女鳴箏哀  
郊城兵亂十三四  
駿馬駝過滹沱來  
滹沱空桑樹  
槭槭秋風吟其上  
有紫萁鴟鴞懷好音  
其下獨驅蠶  
旦暮纏綿心纏綿  
復纏綿  
絲斷不可續  
組以箏上柱  
彈出陌上曲  
妾如雙車軸  
但隨郎馬行  
妾如金彈

九但聽郎弦鳴彈丸脫手馬蹄疾可憐拋擲路旁情路旁拋  
擲那復道故人心重青春輕豈無田寶家洞房開窗窸窣無  
潘與衛翩翩正年少烏啼思故巢葉落思故枝東西隨飄風  
妾意非風知此恨天長復地久此卷流傳百年後一樣羈臣  
棄婦心祇應媿死羊皇后徐無山人今虞初欲以野史爲董  
狐國初諸老妙詞翰吾家太史初白翁丁藥園與吳慶伯宿草大雷  
池舊雨迎鑾鎮生死交情棄安忍少日清狂杜紫薇簪花圖  
子記依稀而今點筆成惆悵寒食江亭柳絮飛

題師荔扉範小像冊

大雷池岸放朝衙卽墨當烹聽勿譁如爾彈文真俊煞擁書  
未了又看花

遺稿徵求上使車水西軼事勝朝餘石渠天鹿諸年少爭讀

先生死後書

滇繫徵  
入史館

詩龕曾見春風筆官轍偏疏白鷺羣如畫江城如水事祇應  
婁斷小停雲

### 江寧劉節母詩

喬柯附中谷葛藟縈絆之忽焉縱斧尋百年安可知有鳥方  
來巢墮地哀羈雌葛藟不可絕轂轂不可飛故雄不可見磐  
石不可移二十又五十白日讐熒熒雖也能反哺念此誰所  
遺曾參不殺人絕少投杼疑千雀與萬鳩孰如一鶚奇氏鄧  
所妃劉其居江之湄其子曰上達讀飽忘朝飢作詩告采風  
彼哉姜與姬

送稻生歸園花鎮

彭蠡春生水隨君直到門魚鰕臨海市桑柘過橋村獨漉悲  
塵土艱虞問弟昆銅陵今夕夢沙鳥共黃昏

匏葉四首同石甫作

幡幡大葉自相當采采予情亦信芳瓠落風痕猶偃蓋瓜期  
寒色尙遮牆相思旭日春水後顧影黃姑織女旁却與園公  
通一笑更誰肥白似張蒼

怯雨歌煙隔水村幾家場圃散雞豚沿流大有千金價引蔓

誰知一畝恩

易林匏瓠之畝一畝千室

納履光陰猶昨日攜尊心事近黃

昏千秋已作風詩料蓼苦葵甘總莫論

葉底如聞笑口開肯隨綿跼作與儻有情尙許寒裳就無匹

何煩抱蔓來預想官商傳樂府幾曾兄弟怨黃臺記看八月  
閒籬落幽女相將剝棗回

縛架分棚石疊濃乍經霜後影重重比他綠許終朝采似爾  
才應幾石容斜日草蟲渲宋院秋陰桑柘夢吳淞可知一樣  
壺盧種齒冷江東陸士龍

閨上已後一日訪山招集江亭卽事

歲閨偏容稷日閒孤亭重上舊江關白分沙鷺行邊雪青到  
圓萍葉上山豆莢櫻桃尋薄醉袂衣紉扇闌疏頑煩誰一弄  
桓伊笛楊柳千條舞小蠻

皖江秋感示舍弟勲二首

誰向瓜田認故侯尊前老淚不勝秋十年吳楚塵雙鬢百口



機雲屋兩頭社日雞豚虛入夢江關詞賦動生愁如何暮景  
飛騰過尙想高車擁八騶

秋城睥睨俯闌干但覓酴醿尙慙歡孝武樓船葭外盛唐  
山寺梵雲端劫餘仙佛聞方悟宦後飢寒慣亦安多謝年年  
臺省在匡廬留我隔江看

喜聞潁州賊平寄海樹代簡二首

蚩尤旗影與雲高狐兔何煩薄伐勞太守一行飛騎出髑髏  
紅上呂虔刀

竈上騷除一夕平耨耨馬首有歌聲歐蘇但說文章美誰挽  
西湖洗甲兵

肩吾和秋感韻再疊二首

漢家新拜富民侯  
光景熙熙大有秋  
定許風塵留馬骨  
可知仕宦薄  
麀頭擁來布被江  
逾冷點到華簪雪  
亦愁去與故鄉  
鷗鷺道談天此口  
尙如騶

欲乞閒身未敢干  
谿南老屋憶餘歡  
輓通渠几琴三疊  
戴勝

稠桑絹百端

所居多桑柘內子恒有蠶供衣被

存沒含妻如夢短  
虛空嚼破

轉心安得歸縱有團圞約  
雞犬都非不忍看

同人修稷皖上無與圖者  
頃陳公子叔安購得文衡山

畫卷髣髴江亭遂以當之  
屬題其後

道光二年之春修稷於江城  
誰其圖者文徵明咄咄那有此  
怪事二百年前一一粉墨如平  
生桃花一路紅欲死點綴春  
陰作上已過橋已見皖公山  
青綠如屏夾江水畫中眼底將

母同主人趁曉攜溪童伯霜仲雪好兄弟伯游叔安翩然先著江

亭中髯也城西飛騎出酒黨招呼到周密石甫搖鞭指點高松

顛已有雄談驚古佛亭西一角浮清漪花宮掩映青琉璃隔

林蹋破鐵門限雪眉長老方臨池天花庵雲上人餘子紛紛出塵

塹檜柏盤空作飛蓋或聽漁話過谿南或看春田到煙外丁

儀仙坡大令吳質華南大令今醉髡劉郎孟塗上舍下筆尤有神君看牧豎

與野老然疑貽聘不知此輩客是何許人白鷗晝裡邀君坐

今人古人無不可古人放筆寫今人不恨古人不見我酒徒

漸散如晨星此圖此事留林垞比似王維摹輞水畧如蕭翼

賺蘭亭

與徐約之刺史豐話別即題其塵海歸帆卷

童初何所有大海生一漚而此一漚內世界成閻浮所以學  
道士汲汲多煩憂百年堂坳水往往膠芥舟吁嗟公無渡誰  
與彈箜篌使君真達者浩蕩逐白鷗

君昔從軍行巴船上三峽於時五斗米虎兕方出柙去隨飛  
將軍談笑揮羽箠蜉蝣爾何物死不熟羊胛上公亟嘉勞便  
宜付手劄因之爲保障久矣洗兵甲遷秩乞一州德意頗翔  
洽闐然請疾歸卿自用卿法譬如不飲酒先已具畚鍤此豈  
無所爲大勇轉似怯

參商不相見相見爲婚姻兒女各羈州昨已加冠巾十年一  
彈指四角生車輪彼哉上蔡狗莞爾東郭魏老我無能爲萬  
事恒輸人輸人亦常耳與君爲荀陳君先翻然歸雞犬多欣

欣一曲賀監湖慙媿猶塵氛

喜春園自溧陽至同飲丁大令寓齋卽次其韻

同調無多急景催琴歌天許小徘徊縑塵脚底秋初澣鷗髯  
鏡前老漸來歸計魚原貪縱壑論才岑本與依苔亦知此別  
匆匆甚拚得頽唐數舉杯

君方輯苔岑詩  
話故有第六句